

●皇族與醫師之謝儀 近時美國新聞載有皇族與醫師之謝儀一節云英皇以外其餘各國皇帝與美國大總統為其國所支出之謝儀額如左

皇帝	謝儀
英皇	四萬圓
法皇	三萬圓
德皇	二萬圓
美總統	一萬圓

●世界最新發明之自動砲 近時美國克羅斯利愛爾斯頓洋行馬格利沙式自動砲第一回試驗每分鐘有二百五十發能由三磅之彈丸射至三哩半之距離該砲係英國政府為供海峽之用特訂製約製造者據發明者馬格利沙之言則此砲可擊殺步兵之前進砲有九百磅之重量砲車乘砲及兵士一人一時間能以二十五哩之速率通過普通道路云云近日尚須為合衆國政府官吏及日俄兩國代表者等進行試驗云

●提縱自在之水雷 建造提縱自在之水雷形水雷者為法國技術師培培前六月二十六日已在塞奴河舉行該水雷之第一回試驗按此水雷其形如潛行艇約有十碼之長背部備有小桅二根及亞舍林光瓦斯燈二盞之圓筒形浮揚器水雷分前後二部前部裝填炸藥千九百八十磅是為最大之特色何則現行水雷最多不過裝填三百磅至五百磅故也後部裝填二百磅之雷力之雷電機與提縱機關置於此水雷能出二十碼之速力即由此雷力之雷電機與提縱機關置於此水雷之距離而提縱機關之運轉則水雷之推進器直應之而始退旋旋機關送出之電波作用即得前後左右運動自如據實氏言該機關能操縱八哩以外之水雷電機操縱者雖在陸上亦得操縱八哩以外之遙隔之魚形水雷云

●阿非利加鐵路工程 為研究美國鐵路之組織此時波美之阿非利加鐵路工程師長薩爾斯君曰該鐵路除英領埃及蘇打之加撒爾與一洛地姆西之布盧開約二千五百哩外現皆竣工未成之部分約三千九百哩今後可告完成其全部完成之晚即可謂世界最長之鐵路總經費約十億萬圓然對於世界最大富源之一之亞非利加一思此鐵路工程將來有何之大利則所費之數尚未可謂為巨額全線開通之時旅行家自伯利巴里至開布文止費十元乃至十一日已得旅行該地除產金銀銅外尚富於金剛石等之礦物一朝開放則在從來所未知之珍奇產物亦將發見雖然余恐世人尚未能知此利益也今試從巴里旅行則在從來之例不可不依長航海然此鐵路完成後至意大利 普利亞士止可取道於汽車由是乘船渡埃及亞歷山大利亞止 亞歷山大利亞止步行程則依汽車僅十日已得達亞非利加之南端開布文云 代筆

●松督飭考書記示 為示諭事案奉 督部堂札開照得科舉已停舊時序諸生苦無揚眉之地鄉村寒士向以筆耕為業者又因學堂林立館舍寂寥頗失治生之術本部堂每念及此為諸生愁煩之今科 朝廷特頒 恩旨於優拔兩科均行加廣名額又有考職一途其為諸生統籌出路者甚為周至惟考職雖寬其中舉附各生未經入選者實繁有徒現經舉行新政各局所應用之書記生任在需人亟宜於各項考試向隅諸生內再行甄別錄取以示體恤寒畯之意為此札仰該司期屆試就舉附各生中之文理清順書法端楷者量才錄選評定甲乙榜示一面造冊詳報以憑分飭新政各局所錄用該司務必先期詳報以憑分飭新政各局等因奉此合行示諭為此仰各屬學堂增附各生一體週知自來司報名限於初六日截止初八日辰刻仍設在本司署內考棚門前考試以憑選取備用所有卷冊概由本司備辦應考諸生並無分文浮費唯此項考試既非由學中送又無書斗辦認恐臨場難保無頂替冒考情弊應飭由與考各屬學生員出具互保切結一紙於到司報名時送司留存備查倘將來查出前項情弊將互保各生一併究辦其各懷遵毋違特示

●姚提學示騰清試卷期 本屆已酉科所有錄選合屬中式正取優拔貢各生本司准於本月初六日辰刻務必親身帶同筆視齊集本使署各行騰清試卷切切此示

●吏胥不滿 調查局開設之初原用藩署督憲 陽岐一帶開設南鄉自治會

●科舉形式尚存 優貢謝恩定於本月初七日已經督憲示諭在案矣唯此屆中式優拔出洋生及曾為學堂教員者不少素以新學自命謂舊資格最無實據詎料此番中式後竟連日以前尊拜客為事想英雄入彀口難言新無不以舊資格為榮於夢寐無怪下等社會每喜談曰某太史也某觀察也

●滿吏何多 捐納已停軍功又不適逢其會財神何能出仕然猶幸有一途可以出脫即各署之滿吏是也近數月來滿吏又時有其人何數之多非冒名即已死之吏用錢買來應混官長希圖頂戴安得如前此之嚴加察核使若輩無所施其技倆哉

●嚴加察看 本年州縣事實表現已次第具報矣聞最優等者只有十餘人優等約二十七八人等次有七八人之譜倘方伯現擬將此七八人嚴加察看果不勝任定行詳參以為州縣之不力者鑒也

選辦東洋新貨 福州南台 日東支行 (電話百五十七號)

磁器	銅器	洋衣	布疋	玩具	汗衫	磚鏡
香水	香油	香膏	香粉	香露	香水	香油
漆器	皮靴	酒類	罐頭	罐頭	罐頭	罐頭

採辦各日藥 城內南大街 日東藥房 (電話百四十二號)

胃散	健胃	健胃	健胃	健胃	健胃	健胃
健胃	健胃	健胃	健胃	健胃	健胃	健胃
健胃	健胃	健胃	健胃	健胃	健胃	健胃

●輪船沈沒 輪船臺灣府於本初一日午刻由埠開往興化晚間緊泊鼓嶼門夜半風起漸形險惡至初二早四點鐘被颶風翻弄遂觸暗礁打壞沈沒查該船係臺紳辜顯榮所置為本埠乾記洋行租借採辦貨物船價值三萬餘元噸數有一百餘噸此次前往興化搭載貨物六千餘元船客九十餘名均幸波底船員八生生存者僅有二名可謂慘矣

●船廠遭風 馬江船署此次因接待京派二大臣重新修整耗用數千元鉅款詎本初一日下午水漲比平時較大數尺由津頭至廠前均一帶汪洋風暴起挾林木而怒號又加以海濤衝來至三鼓時水勢愈漲愈大風勢愈急愈猛門窗傾倒瓦礫飛揚廠所堂院內有層樓皆震動勢將倒塌大雨復旁沱而下山崩地裂殆不過是在工人等匪特毛骨悚動直肝胆俱碎耳中唯聞呼號喊叫慘聲因搭蓋傍江一派民居被風摧折落水並停泊船隻繫繫不住翻覆難以億計傷亡人命亦甚多矣

前江督瑞泰報籌辦

工科大學情形摺

（上略）竊維農工商部頭等顧問官翰林院修撰張謇等呈稱蘇省南通縣共工之官周禮有考工之記歐美各國工列專科日本輿輿先圖工業轉換生熟之貨通商之郵合古今之政書證中外之學說未有不致力於工而能國者也我國官室專服之程日用飲食之器累代因循從模倣即有精良之製作難供多數之取求自海禁大開歐風東漸於是捆載而來日相繼踵文麗來奇技神上國塞都下逮鄉愚嗜之者無不無賤歡迎樂用而我之出口但有生貨偶與工作則化學分析而成之資料又無一不購自外洋由是以推工荷不與國終無不貧之期民永無不困之望可斷言矣荷欲興工必先興學光緒三十三年正月曾奏請建設南洋大學堂并聲明于各岸准備辦大學堂之餘每年籌款四五萬兩為開辦大學堂之預備等情奏明有案顧大學全備六科科目既繁規模至大言乎秩序非有中學高等畢業生不可權衡形勢而先其所至急莫若就上海製造局附近先建工科大學即以已成之中國公學為高等工學之預備次第經營四五年後即可希成效之發生有完全之工學更三數年各省熱心從事工業之處得有相助為理之人不至如今之實業索寞冥行難言進步其於國計民生關係實為重要等情呈請前來臣等惟富國之本訓農保商而外莫亟于勸工近年商務疲敗民生困窮尤宜以振興工藝為當務之急查工科大學現經學部奏設荷蒙恩准仰見 朝廷開物

成務為工學力啓新機惟京師首善既已肇啓宏規而南洋係工商最盛之區因勢利導似亦應及時建設就南洋之輻輳計之廠場機械之富江海交通之利教員易于物色學生便于觀摩莫宜于上海查有上海治小南門外前設中國圖書公司自造之西式房屋計三層洋樓共二十八幢二層洋樓共二十幢均皆工料堅實光線通明極合校舍之用且地尚多將來添設各項應用場廠亦便分佈且與上海製造局中國公學距離離不遠于參觀升學各學諸形利便當經議定價銀十二萬兩由臣等飭由財政部撥給陸續籌撥其常年經費即于前奏設南洋大學事宜飭司妥為籌備并分咨度支部學部農工商部查照外所有籌辦工科大學先行購置校舍緣由謹合詞恭摺具陳云云（下略）

學部奏山東青島設立特別高等專門學堂議情形並商訂章程認籌經費摺

奏為山東青島設立特別高等專門學堂謹將先後議情形並商訂章程認籌經費摺具奏 聖鑒事竊臣部前准外務部咨稱准出使德國大臣孫寶琦咨稱准德外部照稱近年中國士子請求西學不遺餘力德國政府擬在青島建立學堂一所培養中國子弟並使有志留學而財力不逮者可在本國內肄習泰西各種新學大概擬先建大學一所內分四科一工程製造科二醫科三政治法律科四農林科並設預備一科先籌常年經費七萬五千馬克開辦經費三十萬馬克深望中國政府竭力

贊助遣派合格學生并承認在堂畢業之憑照兼為該生等籌將來之出路等因到部正照在案查該學堂之設出於德政府之議在青島設立學堂用意甚善且選派能通華語專員來京商定章程具徵陸軍部力為贊成并由山東歲籌津貼之款等因前來查臣部前准辦成案凡外國人在中國設立學堂者一概不與立案蓋以外國學堂宗旨既迥然不同課程自難以一致故不准其立案此次德國在青島設立學堂係其政府之意與私立者不同而且籌定巨款選派專員來華商定章程亦非私立學堂家自為學者可比因與外務部及覆籌商擬定俟其專員課程皆符能由中國派員駐堂稽察自應准其立案並擬酌籌常年各經費費用以籌開辦經費四萬馬克常年經費四萬馬克酬答與國之情並為實行考核之地與外務部商酌定案嗣經德外部轉咨前來臣部時來華遞呈章程由外務部轉咨前來臣部詳加察閱大致學堂分爲兩級一爲預備科一爲高等大學學堂監督各員皆由德政府選派並不由中國派員考察每途考試僅由中國學部派員監視學生畢業則請獎以進士出身均與臣部章程權限有礙惟申明學堂嚴禁傳教課程兼重中學實為外人在中國設立學堂所無是所望雖不無稍奢而宗旨尚無差異臣等公同商酌竊以爲大學名稱未便輕予假借學生功課學堂章程若不由中國派員駐堂稽察久必漸成具文學生入堂之始若不由山東提學使選送誠恐以中學毫無根柢者充數其間學生畢業之時若不由中國派員會同考試誠恐以程度未能適合者濫邀升拔至學生畢業或准升大學或酌量任使已足以示殊異礙難議及出身凡此數端關係極重要若不預為訂定必致流弊滋多因即遵派司員推本此

資政院續擬院章

並改訂各章（續前稿）

一 由各部院衙門官充者以三十二人爲定額
一 由碩學通儒充者以十人爲定額
一 由納稅多額充者以十人爲定額
一 由各省諮議局議員充者以一百人爲定額
第十一條 資政院議員 欽選互選之別如左
一 宗室王公世爵滿漢世爵外藩王公世爵宗室覺羅各部院衙門官碩學通儒及納稅多額者 欽選
一 各省諮議局議員互選互選後由該省督撫覆加選定咨送資政院
第十二條 資政院議員欽選及互選詳細辦法另定選舉章程辦理
第十三條 資政院議員以三年爲任期任滿一律改選
第十四條 資政院應行議決事件如左
一 國家歲出入預算事件
一 國家歲出入決算事件
一 稅法及公債事件
一 新定法典及嗣後修改事件但憲法不在此限
第十五條 前條所定第一至第四各款議案應由軍機大臣或各部行政大臣先期擬定具奏請 旨於開會時交議但第三款所列稅法及公債事件第四款所列修改法典事件資政院亦得自行草具議案決後由總裁副總裁分別會同軍機大臣或各部行政大臣具奏請 旨裁奪

第四章 資政院與行政衙門之關係

第十七條 資政院議決事件若軍機大臣或各部行政大臣不以爲然得聲叙原委事由咨送資政院覆議
第十八條 資政院於軍機大臣或各部行政大臣咨送覆議事件若仍執前議應由資政院總裁副總裁及軍機大臣或各部行政大臣分別具奏各陳所見恭候 聖裁
第十九條 資政院會議時軍機大臣及各部行政大臣得親臨會所或派員到會陳述所見但不列議決之數
第二十條 資政院於各部行政事件及內閣會議政務處議決事件如有疑問得由總裁副總裁咨請答覆若軍機大臣或各部行政大臣認爲必當秘密者應將大致緣由聲明
第二十一條 軍機大臣或各部行政大臣如有侵奪資政院權限或違背法律等事得由總裁副總裁據實奏陳請 旨裁奪前項奏陳事件非有到會議員三分之二以上之同意不得議決
第二十二條 資政院於各省政治得失人民利病有所諮詢得由總裁副總裁飭行該省諮議局申覆
第二十三條 各省諮議局與督撫異議事件或此省與彼省之諮議局互相爭議事件均由資政院核議議決後由總裁副總裁具奏請 旨裁奪 前項核議事件關涉某省者該省諮議局所選出之議員不得與議
第二十四條 各省諮議局如因本省督撫有侵奪權限或違背法律等事得呈由資

政院核辦前項核辦事件若審查屬實照第二十一條辦理

第二十五條 各省人民於關係全國利害事件有所陳請得擬具說帖並取具同鄉議員保結呈送資政院核辦
第二十六條 前條陳請事件應先由議長交該管各股議員審查如無違例不敬之語方准收受其經審查後批駁者在本會期內不得再行投遞或另向他處投遞
第二十七條 資政院於人民陳請事件若該管各股議員多數認爲合例可採者得將該件提議作爲議案其關行政事宜者應咨送各該衙門辦理
第二十八條 資政院不得向人民發貼告示或傳喚人民
第二十九條 資政院於民刑訴訟事件概不受理
第三十條 資政院會議時由總裁爲議長副總裁爲副議長議長有事故時由副議長代理
第三十一條 資政院常年會自九月初一日起至十二月初一日止其有必須須接續會議之事得延長會期一個月以內
第三十二條 資政院臨時會於常年會期以外遇有緊要事件由行政各衙門或總裁副總裁之協議或議員過半數之陳請均得奏明恭候特 旨召集進行
第三十三條 資政院議員於召集後應以抽籤法分爲若干股每股由議員互推一人爲股長
第三十四條 資政院會議非有議員三分之二以上到會不得開議
第三十五條 資政院會議以到會議員過半數之決爲準若可否同數則取決於議長

議事

第三十六條 資政院自行提議事件非有議員三十人以上之同意不得非爲議案
第三十七條 資政院於豫算法典及其餘重要議案應先由議長交該管各股議員調查明確方得開議
第三十八條 資政院會議應由總裁副總裁先期將議事日表通知各議員並咨送行政衙門查照
第三十九條 資政院議員於議案有關緊本身或其親屬及一切職官例應迴避者不得與議
第四十條 資政院議員如原有專摺奏事之權者於本院現行開議之事不得陳奏於會期內非得本院承諾不從逮捕
第四十一條 資政院議員於本院議事範圍內所發言論不受議外之詰責其以所發言論在外自行刊布者如有違犯仍照各本律辦理
第四十二條 資政院會議不聽旁聽其有左列事由經議員公認者不在此限
一 行政衙門咨請禁止者
二 總裁副總裁同意禁止者
三 議員三十人以上提議禁止者
第四十三條 資政院議事細則分股辦事細則及旁聽規則另行釐定
第八章 紀 律
第四十五條 資政院議場內應分設守衛警官及巡官巡警聽候議長指揮其員額及守衛章程另行釐定
第四十六條 資政院議員於會議時有違背院章及議事長止其發言違者得令退出旁聽人有不守規則者議長得令退出其因而紊亂議場秩序致不能會議者議長得令暫時停議（未完）